

Nafarroako Parlamentuko Mahaiak, 2020ko urtarrilaren 20an egindako bilkuran, honako erabaki hau hartu zuen, besteak beste:

Nafarroako Foru Eraentza Berrezarri eta Hobetzeari buruzko Lege Organikoaren 19.1.a) artikulua aitortzen dion legegintza-ekimena erabiliz, Nafarroako Gobernuak, 2020ko urtarrilaren 10ean hartutako Erabakiaren bidez, honako foru lege proiektu hau igorri dio Nafarroako Parlamentuari: “Foru Lege proiektua, toki ogasunek transferentzia arrunten eta beste laguntza batzuen kontzeptuetan Nafarroako tributuetan duten parte-hartzearen funtsaren zenbatekoa eta banaketa ezartzen dituen 2020. urterako”.

Hori horrela, Legebiltzarreko Erregelamenduko 158. artikuluan ezarritakoarekin bat, Eledunen Batzarrarekin adostu ondoren, hona ERABAKIA:

1. Aipatu foru lege proiektuaren izapidetzea zuzenekoa eta irakurketa bakarrekoa izateari buruzko erabakia Osoko Bilkuraren esku jartzea (10-20/LEY-00002).

2. Zuzenketak aurkezteko epe bat irekitzea, eztabaidari ekiteko Osoko Bilkuraren egunaren aurrekoaren eguerdiko hamabietan bukatuko dena. Zuzenketak Legebiltzarreko Mahaiari aurkeztu beharko zaizkio.

3. Nafarroako Parlamentuko Aldizkari Ofizialean argitara dadin agintzea.

Iruñean, 2020ko urtarrilaren 20an

Lehendakaria:

Unai

Hualde

Iglesias

**Foru Lege proiektua,
toki ogasunek transferentzia arrunten eta beste laguntza batzuen
kontzeptuetan Nafarroako tributuetan duten parte-hartzearen
funtsaren zenbatekoa eta banaketa ezartzen dituen 2020. urterako**

ZIOEN AZALPENA

Espainiako Konstituzioaren 142. artikulua ezartzen duenez, toki ogasunek behar adinako baliabideak izanzen dituzte legeak korporazioei esleitzen dizkien eginkizunak betetzeko eta, funtsean, beren tributuez eta Estatuaren eta autonomia erkidegoen parte hartuz hornituko dira.

Nafarroak eskumena du toki ogasunei dagokien arloa arautzeko, Nafarroako Foru Eraentza Berrezarri eta Hobetzeari buruzko abuztuaren 10eko 13/1982 Lege Organikoaren 46. artikulua araberara.

Nafarroako Toki Administrazioari buruzko uztailaren 2ko 6/1990 Foru Legeak 259. artikuluan ezartzen duenez, Nafarroako toki entitateek beren eskumenak erabili eta beren esku utzitako helburuak bete ditzaten, toki ogasunei behar adina baliabide emanen zaizkie; baliabide horiek toki ogasunei buruzko foru lege baten bidez arautuko dira, Nafarroaren toki araubideari dagokion gaia baita.

Aurrekoa betetzeko xedez, Nafarroako Toki Administrazioari buruzko uztailaren 2ko 6/1990 Foru Legearen 260. artikuluan ezartzen da ezen toki ogasunak hornituko direla, beste baliabide batzuen artean, beren tributuez eta Foru Komunitatearen eta Estatuaren parte-hartzeaz.

Nafarroako Toki Ogasunei buruzko martxoaren 10eko 2/1995 Foru Legearen 123. artikuluan, berriz, Nafarroako Toki Administrazioaren Erreformatarako otsailaren 4ko 4/2019 Foru Legeak emandako testuan, ezartzen da Nafarroako udalerriek, kontzejuek eta eskualdeek Nafarroako Ogasun Publikoaren zerga-sarreretan parte hartuko dutela, sarrera guztien portzentaje finko bat hartuz urtero.

Portzentaje hori Nafarroako Toki Ogasunak arautzen dituen foru legerian ezarriko da, eta, behin Nafarroako Foru Komunitateak Estatuari egin beharreko ekarpen ekonomikoa kenduta, kalkulatu da Nafarroako toki entitateen eta Foru Komunitateko Administrazioaren artean une bakoitzean indarra duen eskumen-banaketa araberara, Nafarroako Toki Administrazioaren Erreformatarako Foru Legearen zortzigarren xedapen iragankorrean ezarritakoarekin bat.

Xedapen horrek ezartzen du, besteak beste, 2019ko abenduaren 31 baino lehen Nafarroako Gobernuak finantzaketa proposamen bat igorriko duela Nafarroako Parlamentura, Nafarroako Aurrekontu Orokorreran gaur egun jasotzen diren dirulaguntza finalisten ordeztoki Ogasunei buruzko Foru Legearen 123. artikuluko 2. apartatuko a) letran aurreikusitako finantzaketa moduluak progresiboki ezartzeko.

Toki entitateei kalte ez egiteko, eta 2020an udal zerbitzu publikoen finantzaketaren jarraitutasuna eta egonkortasuna bermatzeko, beharrezkoa da egungo ereduari jarraipena emanen dion foru lege bat onestea, abenduaren 27ko 18/2017 Foru Legearen finkatutako printzipioak eta irizpideak mantenduko dituen, finantzaketa sistema berria garatzea ahalbidetuko duten arau aldaketak gauzatu arte; izan ere, parte-hartzearen portzentajea eta funtsaren banaketa zehazteko, behar-beharrezkoa da lege garapena, oraindik egin gabe dagoena.

Foru lege honek ezartzen du, lehenengo eta behin, zein den toki ogasunek transferentzia arrunten eta beste laguntza batzuen kontzeptuetan Nafarroako Ogasun Publikoaren tributuetan duten parte-hartzearen funtsaren zenbateko osoa.

Aurreikusirik dago toki entitateek Nafarroako tributuetan duten parte-hartzearen funtsaren zenbatekoa 2020ko ekitaldian aurrekoan baino % 3,08 handiagoa izanzen dela, hau da, Nafarroako Foru Komunitatearen kontsumoko prezioen indizeak (KPIa) 2018ko ekainetik 2019ko ekainera izandako bilakaeraren portzentajea gehi bi ehuneko-puntu.

Horrez gain, bere horretan mantentzen da Nafarroako udalek jasaten duten montepioaren defizita arintzeko ekarpena, 6.400.000 euroko zenbatekoa egiten duena, % 4,92ko igoera egin ondoren.

Proposatutako banaketa formulak berme sistema bat ezartzen du; horren bidez, udal eta kontzeju guztien egonkortasuna bermatzeko, beharrezkoa da egungo ereduari jarraipena emanen dion foru lege bat onestea, abenduaren 27ko 18/2017 Foru Legearen finkatutako printzipioak eta irizpideak mantenduko dituen, finantzaketa sistema berria garatzea ahalbidetuko duten arau aldaketak gauzatu arte; izan ere, parte-hartzearen portzentajea eta funtsaren banaketa zehazteko, behar-beharrezkoa da lege garapena, oraindik egin gabe dagoena, zati proportzionala aitortuko da, aurrekontuko muga osatu artekoa.

Iruñeko Udalarari “Hiriburutza Agiria” izeneko kontzeptuan dagokion zuzkidurak eta Nafarroako Udal eta Kontzejuen Federazioari dagokionak 2019an emandako kopuruak dituzte, eta horietako bakoitzari gehituko zaio, batetik, 2018ko ekainetik 2019ko ekainera bitarteko Nafarroako Foru Komunitateko KPIa, ehuneko-puntu bat alegia, eta, bestetik, ehuneko-puntu gehigarri bat.

Berritasun nagusia da desagertzen dela hautetsiei ordainsariak ematea erabakitzen duten udalei egiten zaien ordainketaren izaera konpentsatzailea eta finalista; haren ordeztze, urteko ekarpen finko bat ezartzen da, Nafarroako udal guztiek jasoko dutena haien hautetsi kopuruaren arabera, ordainsariak jasotzea justifikatu beharrik gabe.

Ekarpen horren zenbatekoa kalkulatu da 2019an udalkideen gastuak konpentsatzeko erabilitako zenbatekoarekin, eta horri gehituko zaio, batetik, 2018ko ekainetik 2019ko ekainera bitarteko Nafarroako Foru Komunitateko KPIa, ehuneko-puntu bat alegia, eta, bestetik, ehuneko-puntu gehigarri bat.

Beste alde batetik, montepioen defizita finantzatzeko prozedura errazten da, eta berariaz ezarri ezen, Toki entitateek Nafarroako Ogasun Publikoaren tributuetan duten parte-hartzearen Funtsean, transferentzia arrunten kontzeptuan, esleitutako kopuruak ordaintzean, baldin badaude udalen eta haien mugartean dauden kontzejuen artean izenpetutako hitzarmenak, entitate horientzako ordainketak izenpetutako hitzarmenean ezarri bezala egiten ahalko direla, bertan hala ezarrita baldin badago.

I. KAPITULUA

Zuzkidura orokorra eta eguneratzea

1. artikulua. Xedea.

Foru lege honek 2020. urterako arautzen ditu toki ogasunek Nafarroako tributuetan duten parte-hartzearen funtsaren zuzkidura eta banaketa, transferentzia arrunten eta beste laguntza batzuen kontzeptuei dagokienez.

2. artikulua. Funtsaren zuzkidura 2020ko ekitaldirako.

2020ko ekitaldi ekonomikorako, toki ogasunek Nafarroako Ogasun Publikoaren tributuetan duten parte-hartzearen funtsaren zuzkidura, transferentzia arrunten eta beste laguntza batzuen kontzeptuetan, 236.356.409 eurokoa izanen da hasiera batean.

3. artikulua. Funtsaren banaketa.

Toki ogasunek Nafarroako tributuetan duten parte-hartzearen funtsaren zenbatekoa, 2020ko ekitaldikoa, honela banatuko da hasiera batean:

1. Transferentzia arruntak: 197.384.777 euro.
2. Beste laguntza batzuk:
 - a) Montepioen defizitaren finantzaketa: 6.400.000 euro.
 - b) Iruñeko Udalarari, “Hiriburutza agiria” delakoagatik: 26.036.907 euro.
 - c) Nafarroako udalei, udalkideen kopuruagatik: 6.100.000 euro.
 - d) Nafarroako Udal eta Kontzejuen Federazioari: 434.725 euro.

4. artikulua. Aurrekontu-kontsignazioa.

1. Nafarroako 2020ko ekitaldirako aurrekontu orokorretan agertuko da zenbatekoa den toki entitateek Nafarroako Ogasun Publikoko tributuetan duten parte-hartzearen funtsaren kontsignazioa.

2. Funtsean 2020. urterako Transferentzia arrunten kontzepturako kontsignatu den zenbatekoa 197.384.777 eurokoa da.

3. Funtsean 2020. urterako Iruñeko Udalarentzat, Hiriburutza Agiriaren kontzepturako, eta Nafarroako Udal eta Kontzejuen Federazioarentzat kontsignatutako zenbatekoa 2019an finkatutako bera da, eta horri gehituko zaio, batetik, 2018ko ekainetik 2019ko ekainera bitarteko Nafarroako Foru Komunitateko KPIa, ehuneko-puntu bat alegia, eta, bestetik, ehuneko-puntu gehigarri bat.

4. 2020. urterako, funtsean udaletarako kontsignatu den zenbatekoa, udalkideen kopuruagatik eman beharrekoa, 2019an hautetsien ordainsarien konpentsazioaren kontzeptuan ezarritakoa da, eta horri gehituko zaio, batetik, 2018ko ekainetik 2019ko ekainera bitarteko Nafarroako Foru Komunitateko KPIa, ehuneko-puntu bat alegia, eta, bestetik, ehuneko-puntu gehigarri bat.

5. 2020ko ekitaldian montepioen defizita finantzatzeko, funtsean kontsignatutako zenbatekoa honakoek osatuko dute:

a) Montepio Orokorren Finantzaketaren zenbatekoa, udalen artean banatzen dena populazioaz beste irizpide batzuen arabera: zenbateko bat ezarriko da, kontzeptu honetan udalen artean banatu beharreko defizitari soldata-masaren ehuneko hogeita hamabi adinako zenbatekoa kentzearen emaitza izanen dena (soldata-masa hori defizita finantzatzen den ekitaldian montepioen araubidearen menpe dauden jarduneko langileei dagokiena da, mendekoak nahiz administrariak izan).

b) Iruñeko, Tafallako eta Tuterako udaletako montepioetako klase pasiboen urteko kostu garbi orokorra finantzatzeko portzentajeak berdinak direla bermatzeko helburua duen finantzaketaren zenbatekoa.

II. KAPITULUA

Transferentzia arrunten esleipena

5. artikulua. Udalerrirentzako banaketa formula.

2020ko ekitaldirako, udalerrirentzako banaketa formula prozedura honen bidez lortzen da:

a) Lehen fasean, gastu premien indizea lortuko da gastu premia adierazten duten sei aldagaien konbinazio linealaren bidez, haietako bakoitzak gastu hori azaltzeko duen ahalmenaren arabera ponderaturik. Honakoak dira aldagai horiek: entitate bakoitzeko populazioa, hiri lurzoru garbiaren azalera, 65 urte edo gehiagoko biztanleen kopurua, etorkinak, azalera osoa eta populazio indizearen alderantzizkoa.

b) Bigarren fasean, udalerrien ahalmen fiskala eta ondarekoa adierazten duten bost aldagaien konbinazio linealaren bidez lortuko da ahalmen fiskalaren indizea, aldagai haietako bakoitzaren eskubide likidatuek bost sarrera motetako eskubide likidatu guztiekiko duten garrantziaren arabera ponderaturik. Honako aldagai hauek erabiliko dira: lurraren gaineko kontribuzioaren oinarri fiskalak, jarduera ekonomikoen gaineko zergarenak, trakzio mekanikoko ibilgailuen gaineko zergarenak eta herri-lurren katastro-balioa.

c) Azkenik, gastu premien indizeari kentzen zaio ahalmen fiskalaren indizea 0,3491 faktorearekin ponderatuta eta formula hau aterako da;

$$FTC = 0,9231 \times PPOB + 0,1278 \times PMA65 + 0,3355 \times PURB + 0,1341 \times PPINM + 0,0083 \times PINVDISP + 0,0074 \times PSUP - 0,2490 \times PCTU - 0,0222 \times PCTR - 0,0760 \times PIAE - 0,0995 \times PIVTM - 0,0895 \times PVCC.$$

Bertan:

FTC da udalerri bakoitzaren banaketa indizea.

PPOB da udalerri bakoitzeko populazioa adierazten duen portzentajea, Nafarroako populazio osoarekiko.

PURB da udalerri bakoitzaren hiri azalera garbia adierazten duen portzentajea, Nafarroako hiri azalera garbi osoarekiko. Planoaren arabera azalaren (azalera grafikoa) eta lurzati batura modura hartutako azalaren (azalera alfanumerikoa) arteko diferentzia da hiri azalera garbia.

PMA65 da udalerri bakoitzean 65 urte edo gehiago dituzten biztanleen portzentajea, Nafarroan 65 urte edo gehiago dituzten biztanle guztiekiko.

PPINM da udalerri bakoitzeko etorkinen kopurua adierazten duen portzentajea, Nafarroako etorkinen kopuru osoarekiko.

PINVDISP da populazioaren kontzentrazio indizearen alderantzizkoa adierazten duen portzentajea, honela kalkulatu: udalerri bateko bizigune bakoitzeko populazioak populazio osoarekiko egiten duen portzentajeen koadroen batura, Nafarroa osoko populazioaren kontzentrazioaren indizeen alderantzizkoen baturarekiko.

PSUP da udalerri bakoitzaren azalera osoa adierazten duen portzentajea, Nafarroako azalera osoarekiko.

PCTU da udalerri bakoitzaren hiri-lurren gaineko kontribuzioaren likidazio-oinarri doitua adierazten duen portzentajea, Nafarroa osoan tributu horren likidazio-oinarri doituen baturak egiten duenarekiko. Oinarriak merkatu balioen arabera doitzen dira koefiziente zuzentzaile baten bidez; koefiziente horrek balioak handitzen ditu merkatu balioekiko duten urruntasunaren arabera. Ekonomia eta Ogasun Departamentuko Lur-ondasunen eta Ondarearen gaineko Tributuen Zerbitzuak finkatuko du koefiziente zuzentzaile hori etxebizitzentzat.

PCTR da udalerri bakoitzaren landa-lurren gaineko kontribuzioaren likidazio-oinarria adierazten duen portzentajea, Nafarroa osoko landa-lurren likidazio-oinarri guztien baturarekiko.

PIAE da udalerri bakoitzaren jarduera ekonomikoen gaineko zergaren oinarri-kuota adierazten duen portzentajea, Nafarroa osoko jarduera ekonomikoen gaineko zergaren kuoten baturarekiko; betiere, nazio, lurralde nahiz udal esparruetako kuoten batura hartzen da oinarri-kuotatzat, udal erreargua kenduta.

PIVTM da udalerri bakoitzean trakzio mekanikoko ibilgailuen gaineko zergaren eskubide likidatuak adierazten dituen portzentajea, Nafarroa osorako zerga honen eskubide likidatu guztiekiko.

PVCC da udal bakoitzean herri-lurren katastroko balioa adierazten duen portzentajea, Nafarroako udalerrien balio guztiekiko. Udal-mugartean kontzejuak dituzten udalen kasuan, kontzejuetan kokaturik ez dauden herri-lurren balioa baizik ez da hartzen kontuan.

6. artikulua. Erabilitako aldagaiak.

1. Nafarroako udal eta kontzejuen arteko banaketa kalkulatzeko behar diren aldagaien balioak foru lege honen eranskinean aipatzen diren iturrietatik lortuko dira. Populazioaren gaineko estatistikako azken datu ofizialak zer urtetakoak diren, urte hori izanen da aldagai guztien erreferentziako urtea.

2. Aurreko apartatuan xedatutakoa ukatu gabe, trakzio mekanikoko ibilgailuen gaineko zergako datuak azken ekitaldiko kontuen espedientetik aterako dira, zeina Toki Ogasunei buruzko Foru Legearen arabera aurkeztua beharko baitu Lurralde Kohesiorako Departamentuan, edo, bestela, ekitaldi horretako bereko aurrekontuaren likidazio espedientetik, Toki Ogasunei buruzko martxoaren 10eko 2/1995 Foru Legeko 227.2 artikuluan eta hura garatzeko xedapenetan xedatutakoaren arabera. Aurreko hori hala ez bada, eskura dagoen azken daturik berriena eguneratuko da, urteko 100eko 10eko igoera aplikatuz. Aurreko hiru ekitaldietako daturik ez bada, Nafarroako “per capita” daturik handienaren arabera kalkulatu da, biztanleriaren aldagaia oinarritzat hartuz.

7. artikulua. Katastroko balorazio txostenak gaurkotzea.

Udal bakoitzari 2020rako dagokion zenbatekoa banatzean, katastroko balioak gaurkotu gabe badituzte, edo indarreko legeriarekin bat udal-mugartean aplikatu beharreko balorazio txostena berrikusteko prozesua hasi gabe badute, transferentzia arrunten kontzeptuan jaso behar duten zenbatekoa % 10 murriztuko da.

Murrizketa horiek transferentzia arrunten funts orokorretik gainerako toki entitateei banatzen zaiena gehituko dute.

8. artikulua. Udalentzako hasierako esleipena.

1. Udal mailako banaketa-indizea aterako da aurreko 5. artikuluan aipatzen den formula udalerrri bakoitzeko aldagaien balioei aplikatuz.

2. Udalerriren batentzat ateratzen den banaketa-indizea negatiboa baldin bada, zero balioa emanen zaio, eta berriz kalkulatuko dira gainerako udalerrientzako banaketa-indizeak, haien guztien batura 1 izan dadin.

3. Banaketa-indize hau kasuan kasuko ekitaldiko transferentzia arrunten zenbatekoaren gainean aplikatuko da, udalerrri bakoitzari hasieran dagokion diru-esleipena lortzeko.

9. artikulua. Kontzejuentzako hasierako esleipena.

Kontzejuak dituzten udalerrietan, aurreko artikuluan xedatutakoaren arabera udalerrri horiei esleitutako partaidetzatik parte bat kenduko zaie, kontzejuen artean banatzeko.

Entitate horien hasierako partaidetza kalkulatzeko, kasuan kasuko udalaren zuzkidura 100eko 30ez biderkatuko da, eta hori berriz ere biderkatuko da kontzejuko biztanleen kopuruak udalerrriko biztanleria osoarekiko egiten duen proportzioaz. Udalerrriaren hasierako esleipena gelditzen den kopurua izanen da.

10. artikulua. Berme klausularen aplikazioa udal eta kontzejuetarako.

1. Aurreko artikuluetan xedatutakoa aplikatuz udalek eta kontzejuek jaso beharreko zenbatekoa ez da izanen, inola ere, batura honek egiten duen zenbatekoa baino txikiagoa: haietako bakoitzak 2019ko ekitaldian transferentzia arrunten funtsaren banaketan jasotakoak, gehituta, batetik, 2018ko ekainetik 2019ko ekainerako bitarteko Nafarroako Foru Komunitateko KPIa, ehuneko-puntu bat, alegia, eta, bestetik, ehuneko-puntu gehigarri bat.

2. Baldin eta funtseko partaidetza, udalerrri edo kontzeju bati hasieran esleitu zaiona transferentzia arrunten kontzeptuan, ez bada iristen aurreko apartatuan ezarritako zenbateko bermatura, hasiera batean esleitutako kopurua bermatutakotik gorakoa duten udalerriei eta kontzejuei behar diren kopuruak kenduko zaizkie, bakoitzari dagokion kopuru bermatutik gora lortu dutenaren proportzioan.

11. artikulua. Ordainketa.

1. Behin betiko onetsi ondoren 2020. urtean Toki entitateek Nafarroako tributueta duten parte-hartzearen Funtsaren banaketa, transferentzia arrunten kontzeptuan esleitutako kopuruak ordainduko dira bi alditan, otsaileko eta abuztuko lehen hamabostaldietan.

2. Lehen ordainketaren zenbatekoa aurreko ekitaldian jasotako zenbateko osoaren erdia adinakoa izanen da.

3. Bigarren ordainketa egin aurretik, urteko behin betiko diru-esleipena kalkulatuko da, eta lehen ordainketaren eta jaso beharreko zenbateko osoaren arteko diferentzia ordainduko da.

4. Udalerrien eta haien mugarteko kontzejuen artean sinatutako hitzarmenik badago, hitzarmenean ezarrita egonez gero ordaintzeko modua, hala ordainduko zaie entitate horiei, deusetan ukatu gabe hasiera batean toki entitate bakoitzari dagokion ekarpenaren zenbatekoa banaketa-formula aplikatuz kalkulatzeko.

12. artikulua. Hiriburutza Agiriarengatiko ordainketa eta Nafarroako Udal eta Kontzejuen Federazioarentzako laguntzaren ordainketa.

Iruñeko Hiriaren Agiriarengatiko ordainketa eta Nafarroako Udal eta Kontzejuen Federazioarentzako laguntzaren ordainketa aurreko artikuluan transferentzia arruntetarako aurreikusitako modu berean egingen dira.

13. artikulua. Nafarroako udalentzako ordainketa udalkideen kopuruagatik.

1. 2020. urterako, urteko ekarpen ez finalista bat ezartzen da, Nafarroako udal bakoitzak jasoko duena bere hautetsi kopuruaren arabera, legeria orokorrarekin bat.

Hau izanen da ekarpen hori:

- A) 3 zinegotzi dituzten udalak: 4.669,07 euro.
- B) 5 zinegotzi dituzten udalak: 12.025,13 euro.
- C) 7 zinegotzi dituzten udalak: 17.684,11 euro.
- D) 9 zinegotzi dituzten udalak: 21.221,36 euro.
- E) 11 zinegotzi dituzten udalak: 33.953,72 euro.
- F) 13 zinegotzi dituzten udalak: 58.711,56 euro.

G) 17 zinegotzi dituzten udalak: 89.836,03 euro.

H) 21 zinegotzi dituzten udalak: 128.741,47 euro.

I) 27 zinegotzi dituzten udalak: 215.747,46 euro.

2. Baldin eta soberakinik gertatzen bada udalkideen kopuruagatik ordainketak egiteko kontsignazioan, guztira likidatutako kopuruarekiko, soberakinak montepioaren defizitari aurre egiteko finantzazioari gehituko zaizkio.

3. Baldin eta defizita gertatzen bada udalkideei kopuruagatik egin beharreko ordainketetarako kontsignazioan, likidazioa egiteko behar den diru kopuruarekiko, modu proportzionalan murriztuko dira artikuluko honen 1. apartatuan ezarritako ekarpenak, 2020ko ekitaldiko aurrekontuan erabilgarri dagoen kredituaren mugarekin.

4. 2020ko maiatzaren 1a baino lehen, udalek aurkeztu beharko dute ziurtagiri bat frogatzeko Toki Ogasunak Nafarroako tributuetan duten parte-hartzeen funtsetik hautetsien dedikazioaren kontzeptuan egindako ordainketak konpentsatzeko 2019an jaso dituzten ekarpenen zenbatekoa eta erabilera.

2020ko ekitaldian jaso beharreko zenbatekoa aldi bakar batean ordainduko da funtsaren bigarren zatiarekin batera. Zenbateko hori izanen da artikuluko honen 1. apartatuan ezarritako zehaztapenei behar diren doikuntzak aplikatzearen emaitza, bai azken udal hauteskundearen ondorioz udalkideen kopuruan izandako aldaketek eragindakoak bai 2019ko ekitaldian esleitutako kopuruak baino txikiagoak diren gastu justifikazioek eragindakoak.

14. artikulua. Montepioen defizitaren finantzaketa.

Nafarroako udalei montepioen defizitagatik eman beharreko finantzaketa honela egingen da:

1. Montepio Orokorren defizita zehazteko organo eskudunak egingen du banaketa udalen artean, populazioaz beste irizpide batzuk kontuan hartuta.

Udal bakoitzari egotzitako defizitari (jardunean dituen menpeko langileei eta administrariei dagokiena) soldata-masaren ehuneko hogeita hamabi adinako zenbatekoa kenduko zaio, udalak berak ordaindu beharrekoa, eta gainerakoa parte-hartzeen funtsaren kargura finantzatuko da.

Nafarroako Foru Komunitateko Administrazioak abuztuan egingen du ordainketa, funtsaren bigarren zatiarekin batera.

2. Behin organo eskudunak defizita finkatu ondoren, Iruñeko, Tafallako eta Tuterako udalek beren montepioen finantzaketan lagunduko dute, Nafarroako administrazio publikoen montepioetako funtzionarioen eskubide pasiboaren araubide iragankorrari buruzko martxoaren 5eko 10/2003 Foru Legean ezarritako portzentajeekin bat. Udal horietako batek, foru lege horretan ezarritako gehieneko kopuruak gainditzeagatik, gainerako entitateek baino finantzaketa portzentaje txikiagoa jaso behar badu, gainerako entitateek ere finantzaketa portzentaje txikiagoa jasoko dute, haien defizitaren finantzaketa baldintza berdinetan egiteko moduan.

Baldin eta, guztira likidatutako kopuruarekiko, soberakinik gertatzen bada montepioen finantzaketarako 2020ko ekitaldiko kontsignazioan, soberakinak gehituko zaizkio transferentzia arrunten funts orokorrari.

Baldin eta, likidazioa egiteko behar den diru kopuruarekiko, defizita gertatzen bada montepioen defizitaren finantzaketarako 2020ko ekitaldiko kontsignazioan, eta posible ez bada udalkideengatik egin beharreko ordainketetarako aurrekontu kontsignazioaren krediturik erabilteza hura banatu ondoren, modu proportzionalan murriztuko dira toki entitate bakoitzarentzako ekarpenekiko, 2020ko ekitaldiko aurrekontuan erabilgarri dagoen kredituaren mugaraino.

Azken xedapen bakarra. Indarra hartzea.

Foru lege honek Nafarroako Aldizkari Ofizialean argitaratzen den egunean berean hartuko du indarra.

ERANSKINA

Aldagaiak eta aplikazio iturriak banaketa formularen

1. Udalerrri bakoitzaren biztanleria. Estatistikako Institutu Nazionalak argitaratzen duen datu ofiziala, urte bakoitzeko urtarilaren 1ekoa.

2. Kontzeju bakoitzaren biztanleria. Nafarroako Estatistika Institutuak argitaratzen duen datu ofiziala, urte bakoitzeko urtarilaren 1ekoa.

3. Udalerri bakoitzean 65 urte edo gehiago dituzten biztanleak. Estatistikako Institutu Nazionalak ematen duen datua, urte bakoitzeko urtarrilaren 1ekoa.

4. Hiri azalera garbia. Planoan ageri den azalera (azalera grafikoa) ken lurzatie baturak duen azalera (azalera alfazenbakizkoa). Nafarroako Gobernuko Lur-ondasunen eta Ondarearen gaineko Tributuen Zerbitzuak ematen du datu hori, eta erreferentzia-urtea udalerrietako populazioari buruzko datuaren urte bera da.

5. Etorकिनak. Nafarroako Estatistika Institutuak argitaratzen duen datu ofiziala, urte bakoitzeko urtarrilaren 1ekoa.

6. Ekonomia eta Ogasun Departamentuak emandako azalera osoa.

7. Populazioaren kontzentrazio indizearen alderantzizkoa, Nafarroako Estatistika Institutuak emandako datuekin urte bakoitzerako kalkulatuak.

8. Hiri-lurren gaineko kontribuzio doituaren likidazio-oinarria. Udalerri bakoitzeko hiri-lurren gaineko kontribuzioaren likidazio-oinarria, merkatuko balioei doitzeko koefizienteaz biderkatua. Bi horiek Nafarroako Gobernuko Lur-ondasunen eta Ondarearen gaineko Tributuen Zerbitzuak ematen ditu, Nafarroako Lur-ondasunen Erregistro Fiskaleko datuak harturik, eta erreferentzia-urtea udalerrietako populazioari buruzko datuaren urte bera da.

9. Udalerri bakoitzeko landa-lurren gaineko kontribuzioaren likidazio-oinarria. Nafarroako Gobernuko Lur-ondasunen eta Ondarearen gaineko Tributuen Zerbitzuak ematen du, Nafarroako Lur-ondasunen Erregistro Fiskaleko datuak harturik, eta erreferentzia-urtea udalerrietako populazioari buruzko datuaren urte bera da.

10. Jarduera ekonomikoen gaineko zergaren oinarri kuota. Nazio kuoten, lurralde kuoten, lokal finkorik gabekoen udal kuoten eta lokal finkoa dutenen udal kuoten batura da, azken horretan udal errekarua kenduta. Datu hauek Ekonomia eta Ogasun Departamentuko Jarduera Ekonomikoen Erregistroak emandakoak izanen dira.

11. Trakzio mekanikoko ibilgailuen gaineko zergaren eskubide likidatuak. Udalek Lurralde Kohesiorako Departamentuari igorritako kontuen likidazioetatik lortzen da. Igortzen ez baditu, zenbatespen bat aplikatuko da, foru lege honetako 6. artikuluko 2. apartatuan ezarritako irizpidearekin kalkulatuak.

12. Herri-lurren katastroko balioa. Hori da, Nafarroako udalerri bakoitzarentzat, herri-ondasunen eta haietatik datozenen katastro-balioa, eta erreferentzia-urtea udalerrietako populazioari buruzko datuaren urte bera da. Kontzejuak dituzten udalerrien kasuan, ez dira sartzen kontzejuen titulartasuneko herri-ondasunak. Balio hori Nafarroako Gobernuko Lur-ondasunen eta Ondarearen gaineko Tributuen Zerbitzuak ematen du, eta Nafarroako Lur-ondasunen Erregistro Fiskaleko datuak hartzen ditu.

13. Montepioa. Udalerrietan jardunean dauden menpeko langileen eta administrarien soldata-masa langile horiek kontzeptu guztietan lortutako ordainsari gordin guztiek osatzen dute. Datu horiek Lehendakaritzako, Berdintasuneko, Funtzio Publikoko eta Barneko Departamentuko Gizarte Prestazioen Zerbitzuak emanen ditu.